



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa
28 Agostu 2012

**Ministru Justisa rekomenda JSMP Kontinua halo monitorizasaun
iha Tribunál no Parlamentu**

Ministru Justisa Dr. Deonísio Babo, husu ba JSMP atu kontinua halo monitorizasaun iha tribunál no Parlamentu Nasional. Rekomendasaun ne'e hatu'o ba JSMP, bainhira JSMP hetan oportunidade hodi halo audiénsia iha Eskritoriu Ministériu Justisa nian iha Dili iha loron 27 Agostu 2012.

Marka prezensa iha audiénsia ne'e JSMP ho ninia equipa hamutuk ema nain lima (5) ne'ebé kompostu husi Diretor JSMP, Kordenador LRU, Kordenadora WJU, Program Manajer VSS no Ofisial media JSMP nian. Iha parte seluk, aleinde Ministériu Justisa, akompaña mos husi Diretór Nasional ba Asuntu Direitus Humanos no Sidadania, Dr. Celito Cardoso.

Sorumutu ne'e hanesan faze kontaktu inisial entre JSMP ho Ministeriu Justisa hodi hametin relasaun institucional iha futuru" dehan Diretór Ezekutivu JSMP, Luis de Oliveira Sampaio.

Iha enkontru, ne'e, JSMP prezenta ninia preokupasaun hirak ne'ebé JSMP rejista durante halao monitorizasaun iha tribunál sira. Preokupasaun hirak ne'e inklui kestaun tradutor iha tribunál, papel defensoria públiku, kestaun divulgasaun informasaun ba públiku, asesu ba justisa no primeiru alterasaun ba Lei Advokasia no Formasaun ba advogadu privadus no asesu publiku ba orariu no julgamentu iha Tribunál Rekursu.

Hatan ba preokupasaun sira ne'e, iha intervansaun Ministru Justisa nian, haktuir katak, fiolofia Quinto Governu Konstitusional mak Hatutan, Hametin, no Hadia. Tanba ne'e' nu'udar Ministru, Dr Babo halo ona inkontru ho diretóres departementu sira hotu iha Ministériu Justisa, atu haree ba asuntu ne'ebé mak agora pendente hela, hanesan Lei Justisa Juvenil, Lei Terras e Propriedade.

Asuntu hirak ne'e sai hanesan prioridade ba Ministériu Justisa iha Quinto Governu Konstitusional." Aliende ne'e Ministru mós hatutan katak, agora dadaun ne'e ministeriu preukupa ho Orsamentu Ratifikasaun Jeral.

Antes atu remata, iha ninia intervensaun ikus, husu komitmentu JSMP nian hodi nafatin kontinua halo monitorizasaun iha Tribunál nomos Parlamentu no liuliu enkoraza departamentu relevante sira atu hametin koperasaun ho JSMP iha futuru.

Atu hetan informasaun klean liu tan favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Telefone: 3323883/77295795